

御定全唐詩

欽定四庫全書薈要

吉林出版集團有限公司
海 天 出 版 社

欽定四庫全書薈要

集部
總集類

吉林出版集團有限責任公司
海天出版社

目次

書名	卷次	頁次	作者
御定全唐詩 卷三九六 元稹 卷三九七 元稹 卷三九八 元稹 卷三九九 元稹 卷四〇〇 元稹 卷四〇一 元稹 卷四〇二 元稹	卷三九六—卷四六六	四三六—一 四三六—七 四三六—一二 四三六—一七 四三六—二三 四三六—二八 四三六—三三	清・康熙四十六年聖祖仁皇帝御定

書名	卷次	頁次	作者
卷四〇三 元稹 卷四〇四 元稹 卷四〇五 元稹 卷四〇六 元稹 卷四〇七 元稹 卷四〇八 元稹 卷四〇九 元稹 卷四一〇 元稹 卷四一一 元稹		四三六―三八 四三六―四三 四三六―五〇 四三六―五五 四三六―六一 四三六―六六 四三六―七三 四三六―七八 四三六―八三	

書名		卷次	頁次	作者
元稹	卷四一二		四三六—八七	
	卷四一三		四三六—九三	
	卷四一四		四三六—九八	
	卷四一五		四三六—一〇三	
	卷四一六		四三六—一〇七	
	卷四一七		四三六—一一一	
	卷四一八		四三六—一二六	
	卷四一九		四三六—一二二	
	卷四二〇		四三六—一三一	

書名	卷次	頁次	作者
卷四二一 元稹		四三六—一三六	
卷四二三 元稹		四三六—一四一	
卷四二三 元稹		四三六—一四九	
卷四二四 白居易		四三六—一五六	
卷四二五 白居易		四三六—一七一	
卷四二六 白居易		四三六—一八七	
卷四二七 白居易		四三六—一九六	
卷四二八 白居易		四三六—二〇五	
卷四二九 白居易		四三六—二一七	

書名	卷次	頁次	作者
卷四三〇 白居易		四三六—二三八	
卷四三一 白居易		四三六—二三九	
卷四三二 白居易		四三六—二四九	
卷四三三 白居易		四三六—二五七	
卷四三四 白居易		四三六—二七一	
卷四三五 白居易		四三六—二八〇	
卷四三六 白居易		四三六—二九二	
卷四三七 白居易		四三六—三〇六	
卷四三八 白居易		四三六—三一八	

書名	卷次	頁次	作者
卷四三九 白居易		四三六―三三三	
卷四四〇 白居易		四三六―三四六	
卷四四一 白居易		四三六―三六〇	
卷四四二 白居易		四三六―三七二	
卷四四三 白居易		四三六―三八四	
卷四四四 白居易		四三六―三九七	
卷四四五 白居易		四三六―四〇九	
卷四四六 白居易		四三六―四二三	
卷四四七 白居易		四三六―四三六	

書名	卷次	頁次	作者
卷四四八 白居易 卷四四九 白居易 卷四五〇 白居易 卷四五一 白居易 卷四五二 白居易 卷四五三 白居易 卷四五四 白居易 卷四五五 白居易 卷四五六 白居易		四三六—四五〇 四三六—四六一 四三六—四七四 四三六—四八五 四三六—四九八 四三六—五〇九 四三六—五一九 四三六—五三一 四三六—五四二	

書名	卷次	頁次	作者
卷四五七 白居易 卷四五八 白居易 卷四五九 白居易 卷四六〇 白居易 卷四六一 白居易 卷四六二 白居易 卷四六三 白居易 胡杲 吉皎 劉真 鄭據 盧真 張渾 韋式 張彤 周元範 繁知一 嚴休 復 盧拱 李諒 劉猛 萬彤雲 盧貞 卷四六四		四三六—五五五 四三六—五六七 四三六—五七九 四三六—五九六 四三六—六〇四 四三六—六〇九 四三六—六一九 四三六—六二四	

書

名

卷

次

頁

次

作

者

王起 王損之 王炎 封孟紳 邵楚萇

鄭俞 吳丹 王鑑 陳昌言 杜元穎

胡直鈞 俞簡 楊嗣復

卷四六五

楊衡

卷四六六

牛僧孺 葉季良 湛賁 薛存誠 裴次

元 李宣遠 李君何 周弘亮 陳翥

曹著 王公亮 張仲方 崔玄亮 徐牧

王播 獨孤良弼 沈傳師 白行簡

裴澄 羅立言 張燦

四三六—六二九

四三六—六三六

欽定四庫全書薈要

集部
御定全唐詩卷三百九十九
六至

欽定四庫全書薈要卷一萬七千八百一
集部
御定全唐詩卷三百九十六

元稹

元稹字微之河南河內人幼孤母鄭賢而文親授書傳
舉明經書判入等補校書郎元和初應制策第一除左
拾遺歷監察御史坐事貶江陵士曹參軍徙通州司馬
自虢州長史徵為膳部員外郎拜祠部郎中知制誥召
入翰林為中書舍人承旨學士進工部侍郎同平章事

欽定四庫全書
御定全唐詩
卷三百九十六

未幾罷相出為同州刺史改越州刺史兼御史大夫浙
東觀察使太和初入為尚書左丞檢校戶部尚書兼鄂
州刺史武昌軍節度使年五十三卒贈尚書右僕射積
自少與白居易倡和當時言詩者稱元白號為元和體
其集與居易同名長慶今編詩二十八卷

思歸樂

山中一作思歸樂盡作思歸鳴爾是此山鳥安得失鄉
名應緣此山路一作寄跡自古離人征陰愁感和氣俾爾從

詳按唐補遺詩經歷臣郭祚職

此生我雖失鄉去我無一作不失鄉情慘舒在方寸寵辱

將何驚浮生居大塊尋丈可寄形一作身身安即形樂豈

獨樂咸京命者道之本死者天之平安問遠與近何言

殤與彭君看趙工部八十支體輕交州二十載一到一作

始對長安城長安不須更復作交州行交州又累歲移鎮

廣與荆一作移鎮歸朝新天子濟濟為上卿肌膚無瘡

色飲食康且寧長安一晝夜死者如賈星喪車四門出

何關炎瘴紫況我三十二一作餘百年一作年來未半程江陵

欽定四庫全書 御定全唐詩 卷三百九十六

道塗近楚俗雲水清遐想玉泉寺久聞峴山一作久亭

此去盡綿歷豈無心賞并紅餐日充腹碧澗朝析醒開

門一作醺酒待賓客寄書安弟兄閒窮四聲韻悶閱九部經

身外皆委順一作無所求眼前隨所營此意久已定誰能求

苟榮所以官甚小不畏權一作野已勢傾傾心豈不易巧

詐神之刑萬物有本性況復人性一作至靈金埋無土色

玉墜無瓦聲劒折有寸利鏡破有片明我可停為囚我

可刃為兵我心終不死金石貫以誠此誠患不至一作立

誠至一作雖因道亦亨微哉湍山鳥叫噪何足聽

春鳩

春鳩與百舌音響詎同年如何一時語俱得春風憐猶

知化工一作造物意當春不生蟬免教爭叫噪沸渭桃花前

春蟬

我自東歸日厭苦春鳩聲作詩憐化工不遣春蟬生及

來商山道山深氣不平春秋兩相似蟲豸百種鳴風松

不成韻蜩蟬涕如羹豈無朝陽鳳羞與微物爭安得天

欽定四庫全書 御定全唐詩 卷三百九十六

上雨奔渾河海傾蕩滌反時氣然後好晴明

兔絲

人生莫依倚倚事不成君看兔絲蔓依倚榛與荆荆

榛易蒙密百鳥撩亂鳴下有狐兔穴奔走亦縱橫樵童

斫將去柔蔓與之并翳蒼生可恥束縛死無名挂樹月

中出珊瑚石上生俊鶻度海食應龍升天行靈物本特

達不復相纏縈縈竟何者荆棘與飛莖

古社

古社基趾在人散社不神惟有空心樹妖狐藏魅人狐
惑意顛倒臊腥不復聞丘墳變城郭花草仍荆榛良田
千萬頃占作天荒田主人議艾斫怪見不敢前那言空
山燒夜隨風馬一作長奔飛一作壯聲鼓鼙震高綬旗幟翻
返巡荆棘盡狐兔無子孫孤死魅人滅煙消壇墀存繞
壇舊田地給授有等倫農收邨落盛社樹新團圓社公
千萬歲永保邨中民

松樹

欽定四庫全書

御定全唐詩
卷三百九十六

四

華山高幢幢

一作幢幢

上有高高松株株遙各各葉葉相重

重槐樹夾道植枝葉俱冥蒙既無貞直幹復有胃挂蟲

何不種松樹使

一作種

之搖清風秦時已曾種頗頗種不

供可憐孤松意不與槐樹同間在高山頂樛盤虬與龍

屈為大厦棟庇蔭侯與公不肯作行伍俱在塵土中

芳樹

芳樹已寥落孤英尤可嘉可憐團團

一作團團

葉蓋覆深深

花遊蠶競鑽刺鬬雀亦紛拏天生細碎物不愛好光華

非無殲殄法念爾有生涯春雷一聲發驚燕亦驚蛇清
池養神蔡已復長蝦蟇雨露貴平施吾其春草芽

桐花

隴月上山館蒸桐垂好陰可惜暗澹色無人知此心舜
沒蒼梧野鳳歸丹穴岑遺落在人世光華那復深年年
怨春意不競桃杏林唯占清明後牡丹還復侵況此空
館閉云誰恣幽尋徒煩鳥噪集不語山嶽岑滿院青苔
地一樹蓮花簪自開還自落暗芳終暗沈爾生不得所

欽定四庫全書

御定全唐詩
卷三百九十六

五

我願裁為琴安置君王側調和元首音安問宮徵角先

辨雅鄭淫宮弦春以君君若春日臨商弦廉以臣臣作

旱天霖人安角聲暢人困鬪不任羽以類萬物祇物神

不歆徵以節百事奉事罔不欽五者苟不亂天命乃可

忱君若問孝理彈作梁山吟君若事宗廟拊以和球琳

君若不好諫願獻觸疏箴君若不罷獵請聽荒于禽君

若侈臺殿雍門可雷襟君若傲賢雋鹿鳴有食苓君聞

祈招什車馬勿駸駸君若欲敗度中有式如金君聞重

風操志氣在悵悵中有阜財語勿受來獻縣北里當絕
聽禍莫大於姪南風苟不競無往遺之擒姦聲不入耳
巧言寧孔士集音亦云革安得沴與稔天子既穆穆羣
材亦森森劍士還農野絲人歸織紅丹鳳巢阿閣文魚
游碧潯和氣決寰海易若旣蹄岑改張乃可鼓此語無
古今非琴獨能爾事有諭因鍼感爾桐花意閒怨香難
禁待我持斤斧置君為大琛

雉媒

欽定四庫全書

御定全唐詩
卷三百九十六

六

雙雉在野時可憐同嗜欲毛衣前後成一種文章足一
雉獨先飛衝開芳草綠網羅幽草中暗被潛羈束剪刀
摧六翮絲線縫雙目啖養能幾時依然已馴熟都無舊
性靈返與他心腹置在芳草中翻令誘同族前時相失
者思君意彌篤朝朝舊處飛往往巢邊哭今朝樹上啼
哀音斷還續遠見爾文章知君草中伏和鳴忽相召鼓
翅遙相矚畏我未肯來又啄翳前粟斂翮遠投君飛馳
勢奔蹙臂挂在君前向君聲促促信君決無疑不道君

相覆自恨飛太高疎羅偶然觸看看架上鷹擬食無罪
肉君意定何如依舊雕籠宿

箭鏃

箭鏃本求利淬礪良甚難礪將何所用礪以射凶殘不
礪射不入不射人不安為盜即當射寧問私與官夜射
官中盜中之血闌干帶箭君前訴君王悄不歡頃曾為
盜者百箭中心攢競將兒女淚滴漉助辛酸君王責良
帥此禍誰為端帥言發矧罪不使刃稍利君王不忍殺
逐之如送丸仍令後來箭盡可頭團團發矧去雖遠礪
鏃心不闌會射蛟螭盡每行無惡澗

賽神

邨落事妖神林木大如邨事來三十載巫覡傳子孫邨
中四時祭殺盡一作盡殺雞與豚主人不堪命積燎曾欲燔
旋風天地轉急雨江河翻採薪持斧者棄斧縱橫奔山
深多掩映僅免鯨鯢吞主人集鄰里各各持酒罇廟中
再三拜願得禾稼存去年大巫死小覡又妖言邑中神

明宰有意效西門焚除計未決伺者迭乘軒廟深荆棘
厚但見狐兔蹲巫言小神變可驗牛馬蕃邑吏齊進說
幸勿禍鄉原踰年計不定縣聽良亦煩涉夏祭時至因
令修四垣憂虞神憤恨玉帛意彌敦我來神廟下簫鼓
正喧喧因言遣妖術滅絕由本根主人中罷舞許我重
疊論蟬蛭生濕處鴟鴞集黃昏主人邪心起氣馘日夜
繁狐狸得蹊徑潛穴主人圍腥臊襲左右然後託丘樊
歲深樹成就曲直可輪輶幽妖盡依倚萬怪之所屯主
人一心好四面無籬藩命樵執斤斧怪木寧遽斃主人
且傾聽再為諭清渾阿膠在末派罔象游上源靈藥遂
巡盡黑波朝夕噴神龍厭流濁先伐鼉與鼃鼃鼉在龍
穴妖氣常鬱溫主人惡淫祀先去邪與惛惛邪中人意
盡禍蝕精魂德勝妖不作勢強威亦尊計窮然後賽後
賽復何恩

大紫鳥

陽鳥有二類紫白者名慈求食哺慈母因此名之飲

欽定四庫全書

御定全唐詩
卷二百九十六

八

啄頗廉儉音響亦柔雌百巢同一樹棲宿不復疑得食
先反哺一身常苦羸緣知五常性醜被衆禽欺其一紫
大者攫搏性貪癡有力強如鸛有爪利如錐音聲甚吠
喟潛通妖怪詞受日餘光庇終天無死期翱翔富人屋
棲息屋前枝巫言此鳥至財產日豐宜主人一心惑誘
引不知疲轉見鳥來集自言家轉孳白鸛門外養花鷹
架上維專聽鳥喜怒信受若神龜舉家同此意彈射不
復施往往清池側却令鸛鷺隨羣鳥飽梁肉毛羽色澤
滋遠近恣所往貪殘無不為巢禽攫雛卵殿馬啄瘡痕
滲漚脂膏盡鳳皇那得知主人一朝病爭向屋檐窺吻
鳴呼羣鸛翩翻集怪鸛主人偏養者嘯聚最奔馳夜半
仍驚噪鸛鵲逐老狸主人病心怯燈火夜深移左右雖
無語奄然皆淚垂平明天出日陰魅走參差鳥來屋檐
上又惑主人兒兒即富家業玩好方愛奇占募能言鳥
置者許高貲隴樹巢鸛鵲言語好光儀美人傾心獻雕
籠身自持求者臨軒坐置在白玉墀先問鳥中苦便言

欽定四庫全書

御定全唐詩
卷三百九十六

九

烏若斯衆鳥齊搏鏢翠羽幾離披遠擲千餘里美人情
亦哀舉家懲此患事烏踰昔時向言池上鷺啄肉寢其
皮夜漏天終曉陰雲風定吹況爾烏何者數極不知危
會結彌天網盡取一無遺常令阿閣上宛宛宿長離

分水嶺

崔嵬分水嶺高下與雲平上有分流水東西隨勢傾朝
同一源出暮陽千里情風雨各自異波瀾相背驚勢高
競奔注勢曲已回縈偶值當途石蹙縮又縱橫有時遭

欽定四庫全書

御定全唐詩
卷三百九十六

十

孔穴變作嗚咽聲褊淺無所用奔波奚所營團團井中
水不復東西征上應美人意中涵孤月明旋風四面起
井深波不生堅冰一時合井深凍不成終年汲引絕不
耗復不盈五月金石鑠既寒亦既清易時不易性改邑
不改名定如拱北極瑩若燒玉英君門客如水日夜隨
勢行君看守心者井水為君盟

四皓廟

巢由昔避世堯舜不得臣伊呂雖急病湯武乃可君四

賢胡為者千載名氛氲顯晦有遺迹前後疑不倫秦政
虐天下黷武窮生民諸侯戰必死壯士眉亦頰張良韓
孺子椎碎屬車輪遂令英雄意日夜思報秦先生相將
去不復嬰世塵雲卷在孤岫龍潛為小鱗秦王轉無道
諫者鼎鑊親茅焦脫衣諫先生無一言趙高殺二世先
生如不聞劉項取天下先生游白雲海內八年戰先生
全一身漢業日已定先生名亦振不得為濟世宜哉為
隱淪如何一朝起屈作儲貳賓安存孝惠帝推頽戚夫
人舍大以謀細蚪盤而螻伸惠帝竟不嗣呂氏禍有因
雖懷安劉志未若周與陳皆落子房術先生道何屯出
處貴明白故吾今有云

欽定四庫全書

御定全唐詩
卷三百九十六

十一

御定全唐詩卷三百九十六